

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



近代中國史料叢刊第七十一輯

沈雲龍主編

周漁璜（起渭）先生年譜

陳田編

文海出版社
有限公司印行

周魚黃允吉乎濬

灑
灑
灑
灑

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



陳氏叢書
聽詩齋藏

周漁潢先生年譜

貴陽後學陳 田編

康熙四年乙巳

先生名起渭字漁潢一字桐埜先世江西廬陵人明

洪武間有爲白納長官司土官者遂著籍新貴

縣後省

是年九月二十五日先生生田按先生卒於康熙五

十三年甲午方文翰書桐埜詩集後云先生甲戌成

進士官翰林踰十九年癸巳而晉詹事又一年而先

生卒是爲歲甲午其卒也年五十矣以是逆計之當

生於是年先生事蹟傳記多略無誌狀可考僅於文

翰集中見先生生卒大略文翰爲先生門人言當不

誣

五年丙午

六年丁未

七年戊申

八年己酉

九年庚戌

十年辛亥

十一年壬子

十二年癸丑

十三年甲寅

十四年乙卯

十五年丙辰

十六年丁巳

十七年戊午

十八年己未

年十五田按先生早慧年十四五作燈花詩傳誦一

時迴青山房集以燈花詩壓卷蓋錄少作也

十九年庚申

二十年辛酉

年十七舉貴州鄉試副榜第三是科榜首爲貴筑劉

子章先生集中有贈襄城令劉豹南送劉豹南侍御

視離河東詩

豹南子章字也

二十一年壬戌

二十二年癸亥

二十三年甲子

二十四年乙丑

年二十一 是年秋黎平苗亂先生有詩紀事田按先

生迴青山房集有屏山菴夜坐詩云冬蟿惻惻鳴冬

火熒熒碧縕絮擁臙肌破氈圍講席又撥悶詩云一

編章句儘唔咿二載龍場歸去遲此二詩列於紀苗
亂詩前後蓋先生授徒於修文縣之龍場者二年集
中修文縣竹枝辭羅生餉余松花醪木閣箐題屏山
菴諸詩大約此時作也

二十五年丙寅

二十六年丁卯

年二十三秋舉貴州鄉試第一名

二十七年戊辰

二十八年己巳

年二十五田按是時德州田山薑中丞莅黔先生與

三
之論詩有合山薑稼兩軒詩序云余鄉識漁潢於黔
陽從余論詩歎其人之奇詩之工先生送山薑還德
州詩云當今齊魯盛風雅王田雅望同歐蘇過德州
懷山薑詩云詩卷長存萬事休十年黃壤閉風流羊
曇漸老無多淚忍爲停車一少留當時新城執盟詩
壇先生舉德州與之抗數十年後 四庫館開館臣
論定王田訖無異議過德州一篇感懷沈痛聲淚俱
下矣

二十九年庚午

三十年辛未

三十一年壬申

年二十八是年巡撫衛旣齊議修貴州通志領志局者爲貴陽吳滋大先是康熙十二年重修通志滋大與其事吳三桂之亂燬於兵火至是滋大重領志局先生與貴筑舉人劉子章貴陽學生黃嘉穀分編志事滋大斷硯草中各有詩贈三人其贈先生詩云兩世通家雖在昔一時聚首卻從今風流擬見靈和柳大雅還開正始音欲覓替人欣已得可知倒屣自難禁願將絕俗超凡事慰我相期無限心滋大名中蕃明遺老也志局邂逅傾倒如此先生有寄懷滋大詩

云北客倦塵土香山思舊遊春雲如我心日夕西南
浮眷懷龐德公溪碧庭戶幽山光麗華髮松風簪清
謳平生濟時念紙墨如山邱鴻寶雖自祕千金人將
求昔從問鉛槧今從悵淹留江河兩襟帶迤邐阻神
州夜夢驚磯水崔嵬水中樓葛巾侍鳩杖清江綠鴨
頭醒時不可到川長歲且悠窗櫺月樹影疑見髯颯
颯何以將鬱陶羈人無敝裘詩成意隨去漢廣可方
舟又秋懷滋大詩云勸影先生獨耐秋苦吟到老不
能休誰知盡是開元曲留在西南斗大州又舍弟書
來傳滋大卒矣客中憾不能一奠詩云慶厯風流不

可期見公談笑我心知百年風月吹蓬鬢兩度滄桑
照寸肩前輩有文終坎壈後生雖長未權奇從今故
國徽絃暗不向鄉關再論詩靈光住世早潛然每望
冬青拜杜鵑魂去不依新鬼籙夢闌獨記古山川生
芻已少倉皇淚束筍期爲甲乙編一曲采薇歌正激
西周時節定誰憐滋大有集■卷以序屬先生期爲
勘定今做帚斷視二集未見先生序當有願而未遂
也

三十二年癸酉

年二十九是年先生計偕北上華嚴洞沅州夜行投

竹坪鋪宿江西橋桃源自桃源底武陵紀景河湫山

伏波將軍祠過澧州渡荆江荆州絕句月下積雪贈

襄城令劉豹南襄城李禮山招飲且以詩見贈步韻

答之鄭州道中白水村貴人鄉鄴城道十六詩皆此

年作也田按劉豹南令襄城延劉太乙青藜為兒師

先生過襄城與太乙定交太乙講金石能文章有聲

先生集中有答劉太乙詩論詩派流別究極正變太

乙寄先生詩附見於此劉青藜高陽山人集寄周漁

梅啖熊桃原笑荒唐哮豁開羣蒙諷諭寄蠟奪莫邪

試銛鋒兩章交璀璨星月蟠秋空詭罷再三嘆常恨
不相逢時君方計借獻賦蓬萊宮旋受凌雲知吐氣
如長虹濁水清路塵懸隔更重重何意逃空人條聞

足音蹙况乃夙所慕長蒿遂倚松篁底出新詩縱橫
老彌工就中樞關吏排比見始終怒癭知有人吾自
快心胸青鏡變黑髮齋房芝何功作者不世出韓杜
文息蹤獼祭戲蘭茗一例抹青紅扣槃與學步如鳥
羈樊籠改轍就宋元扶醉西復東擗擗僅毛皮屈殺
劍南翁買櫝還其珠鄭人自警隴阿誰擘金翅領底
摘驪龍辭章雖小技雅頌匪雕蟲百川方橫流捧土
豈能壅旌纛樹大將兜鍪孰不從方今聖明代揮絃
歌南風新城與綿津韶濩叶笙鏞公隨鸞鵠羣鳴和
聲離離淫哇及浮靡剗削何所容我生困蓬華分知
坐詩窮送君汝水岸紫鷺搖綠駿談舌久不掉寸筵
聊撞鐘雌聲願終賜莫負南飛鴻

三十三年甲戌

年三十會試中式第名殿試三甲改翰林院庶吉

士貧不能賃屋與同年生吳宣臣朱若瞻殷夢五同

寓院署是年有都門絕句新改庶常壽朱翁題扇壽

徐位三題扇送李修廬南還送程孚夏莅黔中製一
羊裘初成戲簡吳宣臣同胡芝山汪安公登白塔讀
蘇詩十九詩

三十四年乙亥

年三十一在院署先生詩所謂曾醉京華兩度春鶯
花熟識舊遊人三分宦路俳優事兩歲長安襜褕人
也是年有陳濂村夢綠草堂小飲同作春夜獨酌漫
興送于若木歸金陵合肥李相國奉太夫人歸葬白
燕翔于墓偶作寒食大雪卽事歸夢清明後一日入
慈仁寺探海棠寄懷吳滋大題歲寒圖爲梨園管六

作和陳鍾庭春日漫成醉中放歌憶園中牡丹初夏
卽事顧某新得長興丞陳鍾庭爲求詩李相國園讌
集曉起步韻答宣臣同年同胡芝山出城遊祖家園
歷中頂寺書途中所見壽杜師母六十飲酒伴竹居
爲杭人潘明仲賦送程天有令萍鄉買花詞贈江西
學使題畫苦雨中偶作疊前韻寓興喜晴獨酌作
喜晴詩次日復陰雨再作解嘲懷徐位三同吳宣臣
詠鳳仙花乞巧秋思讀錢牧齋詩讀吳梅村詩雜吟
秋夜不寐樹下聞蟬燕臺弔古戲柬吳宣臣題畫竹
蕉雨和張天門陳濂村館試歸顧丹宸招飲次日吳

宣臣贈詩依韻奉答張石虹覽小匣篆章見贈長句
依韻奉答秋懷絕句嚴母賈孺人苦節詩賀山左臬
司張公敬止晉方伯爲吳宣臣送周靜齋視鰲長蘆
送金松軒令都勻戲擬艷體故少司寇馮蒿庵暨侯
夫人輓章初冬卧病汪愚谷以二絕見贈次韻答之
張兼蘭祖母壽朱封翁壽詩獨坐楊岫萊雙壽送楊
瑞菴令清鎮送王簡菴郎中出守汀州送同年梅懷
芝赴高平任臘月七日懷芝誕辰題楊建極小像楊
氏五代圖等詩田按先生乙亥丙子作詩各百三十
餘首迴青山房集中以二歲詩爲最夥蓋冷醫無事

藉吟事消磨歲月如讀牧齋詩句綺語燭雲非劍氣
白頭剃髮有詩斑讀梅村詩句庾信哀音終北魏韋
莊佳句殿殘唐評論二人句工而意遠又秋懷絕句
云猿鶴休教怨舊離兩年歸夢菊花知都門得句羊
何和不戀微官只戀詩同年生汪俛贈句云一枕支
離客思淒兩年歸夢夜郎西相如病渴林文瘦都向
秋懷句裏題此可作先生秋懷詩一段詩話也

三十五年丙子

年三十二在院署先生宿館與同年吳宣臣殷夢五
夜話詩云簾幕淒淒又北風三年長喜笑言同又解

嘲詩序云余以貧故寓署之西偏今年春初欲移不
果棲遲至今歲已暮矣復思趁立春前移出然窮人
作事例無所成不必遲之他日而已知是行不果也
作此解嘲先生以庶常寓院署蓋三年矣是年有丙
子新春試筆並補元日迎春讀漢武本紀送李呈潤
旋粵溧陽潘二岳崇祀鄉賢偶然與吳宣臣同寓署
中歲首作春聯補成前後六句張太師母壽春半餘
寒未退漫賦春日懷歸簡吳宣臣懷古有以詩卷投
吳宣臣求序戲爲三絕呈宣臣一笑將出遊柬宣臣
春陰清明漫賦弔葉瓊章續懷歸詩寒食後五日作

贈寶籙令寄懷業師俞方升先生吳滋大輓章瓶花
十絕句續瓶花十絕句送徐道沖令內邱夏日幽莊
次盧升之韻芍藥嘆和吳宣臣鷹化鳩賀遷居送陳
廣陵扈從北征病目戲作殺蚤聽雨書懷靜坐七月
七日送內兄歸里山上雲午睡題畫扇聖武神功一
百韻中秋夕集胡芝山廳事小飲和狄立人中秋無
月悼亡絕句宿館同吳宣臣殷夢五夜話館課大倦
戲示吳宣臣殷夢五朱若瞻十月十日北風大作署
中晚步卽景觀劇奕詩雜題絕句秋胡三章偶作代
贈東撫讀楊季公贈吳宣臣詩次韻玉堂烏古意月

下雜吟楊孚公招飲李氏雙壽讀史有感狄向濤卧
病京邸思光福梅花請王石谷作春帆梅信圖寒夜
解嘲十一月二十八日大風際甚口占一律等詩田
按是時德州田山薑司寇居京師先生以稼雨軒詩
請序山薑序云漁璜官庶常兩年來讀書署齋數椽
困風雨夏秋苦賦愁霖冬月畏寒突不黔者閒日而
吟咏不少輟追隨學士之班因以盡悉石渠天祿之
藏沿討源流而橫發其才思閒騎一款段出城門又
復造余論詩每於世之能詩者狂噓捧腹曾有句云
安得世人盡聾聵憑君高座說文章是也漁璜之詩

有以新爲工者有以奇爲工者新如璽絲出盆遊光
濯色天女散花幽香萬片奇如夏雲怪峯千態萬變
余合較先生前後詩此時骨格尙未大成已爲山薑
激賞如此

三十六年丁丑

年三十三在院署散館授檢討

七月七日借輦下同
人集趙吉士寄園用

詩牌集字賦七夕今宵看碧霄詩云殘霞舞牆陰綠
嵐低閣右銀清唱春來霧縠始細紐帝女傍雲橫月
娥藏杵日懸疎轉漏遲局關長隨偶玉蠹斟明漿十
澗泉濯船藕應愁好境空良遇無何有詩不存集

一月出都門是年有出都作寶店逢查德尹赴甘肅
幕新樂縣道中渡溲沱河宿柏鄉懷貫高遺事過太

行絕頂寄梅懷芝同年六詩田按桐莖詩集存詩自
丁丑始莫子偲云漁濱集其弟起濂始刻於都門者
曰北本其同年友汪千波再刻於吳下者曰南本並
先生所自定始康熙丁丑冬迄於沒凡十八年之詩
北本爲篇三百五十有二南本溢出一篇而已咸豐
壬子子偲與山陰陳煥燿重刻於貴陽卽據先生自
定本釐爲四卷余檢方文勳集虛齋古文書桐莖詩
集後云先生初釐其集五卷題之曰稼雨軒今刻不
別卷又卽以桐莖標其端暇日當移書同年諸君子
問之據此則文勳所見者先生弟起濂刻本初不別

卷也桐堃先生別號稼雨軒者先生家山老屋先生

憶園中牡丹詩云稼雨軒頭山一簣掩窗映戶花三

叢是也丙子田公山薑所序之初稿亦題曰稼雨軒

詩此後刻桐堃集者標題當從其朔也田按先生出都陳堯凱有

詩贈別云頭銜新換返邱園勝舊清華渥主恩三載西清同翰墨一番南澗獨騰騫歸鞭山路聞銅鼓

遊屐雲巖眺石門攬取燕臺成雅集芙蓉舫上共誰論堯凱自注云公詩名燕山塵土集據此則所謂燕

山塵土集者蓋題甲戌至丁丑四年所作也

三十七年戊寅

年三十四是年先生買舟過洪澤湖至揚州真州金

陵蘇州杭州訪蘭亭於山陰再至杭州派大江徑鄱

陽至豫章攬匡廬之勝再出大江至武昌遊蹤最廣
得詩亦最勝所謂擅江山之助也有守風洪澤湖揚
州真州燕子磯金陵懷古虎邱山塘舟次平望塘棲
道中泛舟西湖林和靖墓禹陵重泛西湖滕王閣望
湖亭阻風鄱陽鄱湖舟中望廬山入廬山大孤山赤
壁避風登蘇公亭放歌武昌懷古黃鶴樓仙棗亭四
十二詩遊西湖詩欲把西湖比明月湖心亭是廣寒
宮爲詩家所艷稱查爲仁蓮坡詩話貴陽周宮詹起
渭西湖詩較東坡進一格袁枚隨
園詩話斷句入耳有終身不能忘者寫景則周起
渭西湖云若把西湖比明月湖心亭是廣寒宮先
生亦自矜許在山陰謂同年生范廷舒曰余西湖比

明月之句坡公之後僅見今日晴霽當水仙王見酬也

三十八年己卯

年三十五取道湖南底家是年有辰谿棹歌村中見紅葉題古雪和尚小影冬月小屋落成等詩皆在先生自定集外

三十九年庚辰

年三十六在里第時至會城先生詩所謂窮鄉又作兩年歸也是年有王開府子喜壽春日遊黔靈山示赤松和尚南隄踏青留觀音寺小飲信步城南龍山

寺觀諸子會文陰雨坐龍山寺王子喜中丞建圖甯
關落成冬日偶作次張維庸瓶花十絕句等詩皆在
先生自定集外南隄踏青詩沈歸愚錄入別裁集歸
愚評云柳煙開處見漁村宋子虛集中時有此佳句
又謂赤壁避風放歌中段渾括赤壁二賦筆筆凌空
歸愚未得先生全稿故所收從略別裁四詩猶非集
中上乘也

四十年辛巳

年三十七二月自家北發寄別賈五鐵齋詩云春城
桃李開香風散原隰別酒含君意頓覺酒味澀又云

昔我居京華別君來夜郎今君夜郎城送我還帝鄉
紀其事也是年在途有杭州舟中卽景寄別賈五鐵
齋舟行晚望晚食兩武陵贈友武陵爲人題北窗高
卧圖襄陽大隄曲潁川鳳凰臺彰德逆旅題壁以上
數詩
未入先生
自定集中彰河舟中望銅雀臺邢臺道中望太行作
清風店次陳堯凱題壁韻底京後有題何左車千巖
萬壑草堂圖勞書升舉子公卿贈詩成帙余還京續
題其後題汪玉輪修撰南行送別圖天寒製一羊裘
戲作等詩

四十一年壬午

年三十八在翰林送陳右又遊貴陽詩云儻遇黔人
問通客爲言衰颯鬢成絲自注年未四十鬢已半白
矣此詩在自定集外是年有春日偶鈔李杜韓蘇四家詩作

送楊同年令餘姚兼懷舊遊寄答襄城劉太乙陳鍾
庭來同寓賦贈讀白頭吟送田山薑還德州讀王蜀
春秋元日碧山堂看梅花早朝和汪安公正月五日
退朝同安公作汪玉輪修撰看劍圖元夕後二日安
公寓舍看月醉歸春日懷歸漫興郊遊卽事與諸同
年慈仁寺看海棠戲作春菜詩次坡公韻送安公使
廣東詠物八首廬陵胡翁餘生菴雪中次坡公清虛